



ᠮᠣᠩᠭᠣᠯ ᠤᠯᠤᠰ
ᠭᠣᠪᠢ-ᠠᠯᠲᠠᠢ ᠠᠶᠢᠮᠦᠭᠢᠨ
ᠵᠠᠰᠠᠭ ᠳᠠᠷᠭᠢᠨ
ᠵᠠᠬᠢᠷᠠᠮᠵᠢ

**МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ**

2021 оны 07 сарын 07 өдөр

Дугаар А/316.

Алтай хот

**Гамшгаас хамгаалах өндөржүүлсэн бэлэн
байдлын үед зохион байгуулалтын
арга хэмжээ авах тухай**

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Гамшгаас хамгаалах тухай хуулийн 32 дугаар зүйлийн 32.1.1, 32.1.3 дахь заалт, Эрүүл мэндийн тухай хуулийн 11 дүгээр зүйлийн 11.1.4 дэх заалт, Эрүүл мэндийн сайдын 2021 оны А/416 дугаар тушаалаар батлагдсан "Эмнэлгийн бус орчинд коронавируст халдвар (Ковид-19)-тай иргэдэд тусламж, үйлчилгээ үзүүлэхэд баримтлах түр заавар, аймгийн Онцгой комиссын 38 дугаар хурлын шийдвэрийг тус тус үндэслэн ЗАХИРАМЖЛАХ нь:

1. Коронавируст халдвар (Ковид-19)-тай иргэдийг хэвтүүлэн эмчлэх орыг Анагаахын шинжлэх ухааны үндэсний их сургуулийн Говь-Алтай аймаг дахь Анагаах ухааны сургуулийн хичээлийн болон дотуур байранд дэлгэн ажиллуулсугай.

2. Эмнэлзүйн заавраар эрэмбэлэн ангилалтыг хийж, дэлгэсэн орны тоо, зохицуулалт, холбогдох журам, зааврын дагуу тусламж үйлчилгээ үзүүлэхийг Нэгдсэн эмнэлэг (Ш.Мэндсайхан), мэргэжил арга зүйн шуурхай удирдлагаар хангаж ажиллахыг Эрүүл мэндийн газар (Ц.Туяа)-т тус тус үүрэг болгосугай.

3. Коронавируст халдвар (Ковид-19)-тай иргэдийг хэвтүүлэн эмчлэхтэй холбоотой зардлыг зохих хууль, журмын дагуу хянаж, Эрүүл мэндийн даатгалын сангаас санхүүжүүлэхийг Эрүүл мэндийн даатгалын хэлтэс (Б.Энхцэцэг)-т даалгасугай.

4. Есөнбулаг сумд үйл ажиллагаа явуулж буй хүнсний дэлгүүрүүдийн үйл ажиллагааг 09:00-20:00 цагийн хооронд ажиллуулахаар өөрчилж, 18-аас доош спиртийн агууламж бүхий согтууруулах ундааг худалдан борлуулахыг зөвшөөрч, түүгээр үйлчлэхийг хориглож халдвар хамгааллын дэглэмийг чанд сахиулах, дэлгүүрүүдийн цагийн хуваарийг мөрдүүлж ажиллахыг Цагдаагийн газар (хурандаа Н.Эрдэнэ-Очир), Мэргэжлийн хяналтын газар (Н.Сумъяабазар) нарт тус тус даалгасугай.

5. Захирамжийн хэрэгжилтэд хяналт тавьж ажиллахыг Засаг даргын орлогч (Д.Отгонбаяр)-д үүрэг болгосугай.

ЗАСАГ ДАРГА



О.АМГАЛАНБААТАР